

Betrëfft: *D'Monarchie dierf net a Fro gestallt ginn!*

D'adrenalin dréckt hir Skepsis vis-à-vis vum Pressecommuniqué vun der JSL aus.

Fir d'adrenalin leescht all Relioun e wesentlechen Bäitrag zur kultureller, sozialer an net zu lescht och der spiritueller Erzéihung vun de Bierger an enger Gesellschaft. Mir si prinzipiell der Usicht, dass jiddwer Bierger d'Recht muss hunn, fir an enger weltoffener an toleranter Gesellschaft liewen ze kënnen, wou séng Relioun och respektéiert gëtt, soulaang wéi dat mat der Verfaassung vereinbar ass. E Staat muss dës Grondprinzipien jiddwer Bierger garantéieren.

Mir gesinn an, dass bei der Kierch duerch aus nach Spuerpotenzial besteet. An dësem Kontext plädéiere mir fir eng méi gerecht Verdeelung vun de Steiergelder un d'Glaawensgemeinschaften an orientéieren eis un deem däitschen resp. um italesche Modell vum "otto per mille", wou jiddwer Bierger d'fräi Wal huet, op säi Steierbäitrag un eng Glaawensgemeinschaft oder un eng karitativ Organisatioun geet. Wéi d'Erhaalung vun der Bausubstanz vun de Kierchegebäuer, déi ganz dack vun architektoneschen an historiesche Wäert sinn, erhaale ka ginn, muss dobäi eenzel gekuckt ginn.

Weiderhi wëlle mir awer och op d'Wichtigkeet vum Wäerteunterricht an de Schoulen hiweisen. De Kanner sollt eng méiglechst objektiv an neutral Vu op déi verschidde Weltreligionen gebuede ginn, woubäi awer virun allem de philosopheschen, moraleschen an och ethesche Charakter am Virdergronn stoë muss.

D'adrenalin schwätzt sech allerdéngs kloer fir d'Bäibehaltung vun eiser konstitutioneller Monarchie aus. D'Monarchie an de Grand-Duc sinn e Symbol fir eis Fräiheet an d'Souveränitéit vun eisem Land a stäerken esou och den Zesammenhalt vun eiser klenger Natioun.

An e puer Beispiller wëlle mir déi konkret Grënn fir eis Haltung erklären:

- E Monarch ass wäit iwwert d'Grenzen vu sengem Land bekannt a spillt eng wichteg symbolesch Roll. Duech seng repräsentativ Fonktioun vermittelt hien Kontinuitéit a Bestännegkeet, no baussen esou gutt wéi nobannen.
- En ass politesch neutral a steet kenger Partei an deenen hierer Ideologie no. Doduerch kann hien vill besser e ganz Vollek verrieden, wéi e Präsidant dat maache kinnt.
- E gëtt vu Gebuert un op seng Repräsentantefunktioun virbereet. Doduerch, dass e net all 5 Joer gewielt muss ginn, stellt en nobausse bei wichtegen Entrevuen eng gewëssen Kontinuitéit an Seriösitéit duer.
- Den Ënnerhalt vum Haff, wou d'Käschten trotz allem awer nach eng Kéier iwwerduecht mussen ginn, ass op laang Dauer net vill méi bëlleg wéi e puer Generatiounen vu Präsidanten, déi no hierer Amtszäit hir héich Gehälter weiderhi bezéien. Séng Bedeitung fir den Tourismus ass och net ze ënnerschätzen, wou d'Einnahmen dach schlussendlech dem Horesca-Secteur an schlussendlech och nees dem Staat zegutt kommen.

*de Comité vun der adrenalin
matgedeelt, de 2. Juni 2010*